



豐對樓詩選目錄卷第四十

七言絕句

送楊侯內召赴闕二首

送曾孫夔北上口號 過戴尋甸莊

六月廿八日雨二首 廿九日又雨

答葛平父司隸參軍折簡見邀之作

山陰道中夢與故司馬張公飲

別淚

吳江再送吳汝震遊塞上訪張助父中丞二首

吳江送范人卿歸鄞兼寄司馬公安卿

送陳秀才頴叔還郵時赴督學使者試

題黃薔薇

拈香

曠視樓絕句為吳希孟作

送陳東父入越二首

題沈虞部齋前十月海棠

承天寺東退居池上作

題松泉僧卷

送李白甫入三茅山二首

承陸伯相過訪投贈二詩奉答

僧家

賦得玉壺為瑩上人

雙蛾墩三首

加餐五首

江雨

正月十五日記事三首

為孫禹錫吊青霞生二首

山厨

贈貢煉師

贈金谷礪煉師

與孫禹錫同贈琵琶美人

贈周居士

逢故將軍陳宗玉

題百鴈圖

酒邊贈馬君

聞沈常熟被讒解印綬

夢中題画

題沈懋脩画紅牡丹

枕上夜半聞吳歌

夜坐

題画冊四首

題秋海棠

五莫詞送比部田叔北上兼柬吾鄉諸貴遊末章之旨不佞不無牛鼎之意并示諸君一捧

腹

寄嘲屠禮部長卿四首 小序

鶴軒絕句贈劉煉師 溪上

筏上三首

可憐

日暮

野宿

溯錢唐七百里至漁亭為灘者三百有六十由

漁亭陸行六十里至初門縣由初門五百里

至饒州為灘者亦三百有六十乃賦絕句

過顧園渡

楚旅

遊芝山十絕呈應遷劉使君

贈歌者汪汝成四首

三賦瀟湘八景

瀟湘夜雨

洞庭秋月

山市晴嵐

江天暮雪

遠浦歸帆

平沙落雁

烟寺晚鐘

漁村夕照

再題吳王銷夏灣

題越王嶒

蘆溪即事

汪長公席上分賦金龜換酒用以解嘲

司馬公送酒錢賦絕句為謝

三之夜坐汪仲嘉枝閣兼呈其伯氏

竹魚莊賦得汪司馬啜茗看梅花

乙酉人日有道郭先生次父七十二春秋敬辦

二十八字為壽

汪長公為壽郭山人引觴開禁

嚙語

雨夜坐中見月共賦

贈汪童子慧覺

書汪永叔卷二首

水影亭絕句次父為吳太學索題

贈無際和尚

竹素館柬汪二仲

竹素館對雨懷二仲

賦得壽松堂為吳懋長太學

題吳仲實畫松障子 志感

吳仲實沉舟放筏溪上二首

與郭次父沉筏溪上因懷龍使君

題王將軍石壁山房四首

題吳仲實見示紅蘭

廿六夜吳敬夫張燈高宴賦此謝之  
與王姬二絕

玉屏山中懷龍君善二首

留別新安汪司馬諸公

石壁山絕句

索吳延秋画着緋圖絕句

寄題長干美人趙昭陽之作

仲初書來云後圃種竹三百竿再賦二絕

路口

悼范公子二絕

浣紗

竹底

過鴛央湖作

又送戚少保

書梅谷禪師卷

過文長故業作

織女

蘭亭作

戢山亭看雪

越相范少伯祠

又題范少伯塑像

與伯翼乞垂楊種

春日過范司馬十洲閣有感

過長水縣梅花溪作

春風四首

雨過

雨燕

孺愿山亭即事

有士願為京遊者乞詩戲有此贈

黃雀詞

至越不值陳李聞其旌節過湖懷之遲之得二

絕句

贈王姬見如

留別伯遠玄白二首

館娃宮

宿綠羅菴閣上

過無錫哭葉茂長二絕

靈巖山

靈巖山懷古

小溪

吹簫吳生

戲題假山湖石

蚤發

詠獨輪車

車行

禪館

辱盧子明倪長卿孫孟陽江大涂枉過僧廬不

得奉候顏色而去口占謝過

贈馬姬之青衣善歌者曰冬梅

枕流閣

常與堂

為馬參軍熒題沈太守襄画梅

豐對樓詩選卷第四十

甬句東沈明臣嘉則父著

從子沈九疇箕仲氏選

七言絕句

送楊侯內召赴闕二首

槓鼓揚舲發甬東  
錦帆旭日照江紅  
仙郎正是登瀛去  
去萬里青天萬里風

昨見纖雲出海重  
萬山雷雨起蛟龍  
舊潭水落青蕪斷  
唯有棠陰一樹濃

送曾孫夔北上口號



赤日如蒸不可行忽然來說去燕京匆匆掩袂難為  
別明夕秋風是客程

過戴尋甸莊

畫棟傾撓粉壁頽舊時燕子不歸來洒然猶記楣間  
額四十年前歌舞臺

六月廿八日雨二首

日日迎龍首重回濃雲驟雨忽然來白頭野老掀髯  
笑昨日愁眉盡放開

晝雨如傾暮雨深及時甘澤勝黃金江田蘇醒銷龜  
坼便有謳歌動越吟

廿九日又雨

一雨江田已報秋今朝又雨快登樓山光似洗青偏  
近自挂冰簾十二秋

答葛平父司隸參軍折簡見邀之作

勾漏歸來幾度秋葛洪丹井宅前幽一瓢肯汲行人  
飲風雨雖無亦自留

山陰道中夢與故司馬張公飲

出門秋草足前程帶得鄉山夢裡行昨夜分明江閣  
上故人無恙說生平

別淚

天寒木葉洞庭秋千里長江對客流錦水西風吹別  
淚一行添作萬行愁

吳江再送吳汝震遊塞上訪張助父中丞二首  
千里逢君又送君秦關漢壘馬頭分故園春半梅花  
落定在邊城笛裡聞

君行萬里去如波我欲從君奈老何大將安邊無戰  
鬪漢家明月滿山河

吳江送范人卿歸郵兼寄司馬公安卿

江上逢君作客歸一帆流水帶斜暉謂言我更天涯  
去到處青山着布衣

送陳秀才穎叔還郵時赴督學使者試

汝本青雲路上人也隨白髮混風塵即今使者求賢  
急歸作江南朱買臣

題黃薔薇

鶯黃蝶粉上花枝庭院香風四月時記得玉釵分插  
罷相携照影向清池

拈香

空門白日靜於僧自起拈香讀道經小檻正當西北  
角太湖山露一丫青

曠視樓絕句爲吳希孟作

青山高結石樓寒  
人世茫茫宇宙寬  
吞吐風烟看日月  
醉呼黃鶴下朱闌

送陳東父入越二首

既愛名山入剡中  
沃洲天姥四明通  
我家住近桃花渡  
莫惜春江一棹風

夢遊天姥謫仙人  
今日君行去采真  
别有洞門懸日月  
莫因花處便迷津

題沈虞部齋前十月海棠

涼風十月海棠開  
帶得江南煖氣回  
何處借來春一點  
絳唇無語下蒼苔

承天寺東退居池上作

此池濶不過二丈  
長不過五丈  
乃吳王錦帆涇  
故水又傳此池  
又爲僞吳張士城  
所浴

浩劫三千梵宇靈  
小池猶是錦帆涇  
妖蛇浴後無風雨  
唯有高天一片青

題松泉僧卷

空山誰識定中禪  
手撫蒼松耳聽泉  
泉底月爲松頂月  
如如萬境是真詮

送李白甫入三茅山二首

遠從句曲禮茅家  
白木生苗巖長芽  
十里青山迷曉

霧一船春水刺桃花

華陽古洞有仙祠李白乘舟一訪之割得垂龍真左耳好和緝雪煮青芝

承陸伯相過訪投贈二詩奉答

自分山中老薜蘿不因扣角起商歌君來勸我遊林屋不去其如洞室何

僧家

平生作客愛僧家口吐青蓮舌作花閒看一燈光不動微風忽觸短簾斜

賦得玉壺爲瑩上人

冰壺春水浸梅花一片禪心玉不瑕添得半窓明月在佛燈微動篆烟斜

雙蛾墩三首

吳王愛姬從孫武子學兵法爲隊長笑而見殺此其墓也在蘇州郡城中今爲承天寺外門

野花猶自笑春風兩阜戕戕吳市中枉殺愛姬雙隊長教成兵法有何功

兵法何堪教美人那知一笑便亡身雙墩歲月經多少老死吳宮得幾春

豐登樓詩選 卷四十一 五  
花枝怨血染來多草綠春風似綺羅吳國亡來無一事荒墩猶自愛雙蛾

加餐五首

寶瑟瑤琴不用彈請君安坐且加餐清風朗月生眉  
睨灑灑瞿唐起舌端

不用高譎行路難勸君白日且加餐風波滿眼平原  
上何必龍門八節灘

掩鼻微吟巷伯詩故人何用早相知卮言不覺深衷  
入縱是天親愛亦移

市中有虎不須疑汝自身經又復爲笑殺狂風何大

劇落花吹上隔牆枝

莫因塵坩惱人寰只合青山蚤閉關野老昨來爭席  
處行蹤猶在落花間

江雨

十日空江春水生蕭蕭寒雨夜窓鳴暗飛玉笛知何  
處飄落梅花無限情

正月十五日記事三首

昨夜江天月正圓華燈仙樂鬧風前東皇怒色何容  
易未到朝來霰一船

客裏陰晴暖又寒莫嫌風雪路行難春江進艇簾齊

上山色城頭麗可餐  
茸茸春雨暮江深何處黃茅小結林莫道天涯無節  
序五枝燈影戲文禽

為孫禹錫吊青霞生二首

桃花聞說武陵春欲傍輕舟一問津忽報啼猿腸已  
斷無情淚濕有情人

瞥眼東風十五春洛川無路可通津蘭皋抹馬空相  
待枉作思王賦裏人

山厨

山厨但有青精飯海客誰探度索桃白石采來吾自

煮請君一飯讀逍遙

贈貢煉師

敬亭山裡貢先生何似陵陽竇子明它日丹成鷄犬  
去莫携七檜上天行

贈金谷礪煉師

吹簫日日向雲中控鶴何年過海東借得石家金谷  
礪便為仙子蕊珠宮

與孫禹錫同贈琵琶美人

何用相逢便目成琵琶遮面有餘情要人暗裏回青  
眄故作梅花續斷聲

贈周居士

自向青山結草菴白雲無恙禮瞿曇世間萬事俱空  
色七卷蓮花月一龕

逢故將軍陳宗玉

名大沛沂州衛人以後

功起家爲裨將余識于通州今復值于崇沙  
燕頷虬髯七尺身曾將勲業取麒麟於今頭白携家  
走來作江湖賣藥人

題百鴈圖

宿食飛鳴百鴈新一天秋色寫來真霜高月白千行  
淚塞北江南萬里人

酒邊贈馬君

馬郎沽酒醉桃花客舍惓然過狹邪彈罷箜篌沉海  
日主人猶欲奏琵琶

聞沈常熟被讒解印綬

風雨孤城動紫瀾聞君此夕罷官還寒燈四壁深如  
海坐夢天公欲破關

夢中題画

踈溪十里接平沙水竹蕭蕭幾樹花画裡看來猶自  
喜何時歸去領烟霞

題沈懋脩画紅牡丹

倦客無因過洛中  
剡溪藤上挹春風  
憐君腕有東皇力  
幻出花王號慶紅

枕上夜半聞吳歌

子夜歌聞月滿空  
斷腸聲送一江風  
姑蘇城上孤舟客  
百粵山中白髮翁

夜坐

起坐簷前星宿稀  
水晶簾額夜風微  
銀河無影闌干濕  
明月滿庭仙鼠飛

題画册四首

空亭盡日無人到  
老樹經年鳥不栖  
聞道白雲飛莫

去大孤東畔小孤西

古樹霜前禿若僧  
寒鴉飛盡水如冰  
故鄉西去烟村外  
遊釣經過記昔曾

水碧山青夕照中  
依稀風景似垂虹  
津亭送別知多少  
獨貌東歸白髮翁

客途常憶鴈來紅  
今日逢君是宅東  
翠栢綠梧相掩映  
十分秋色小庭中

題秋海棠

淺白輕紅點絳霞  
是誰號作斷腸花  
馬嵬秋淚都成血  
不似華清春睡賒



五莫詞送比部田叔北上兼柬吾鄉諸貴遊末  
章之旨不佞不無牛鼎之意并示諸君一捧  
腹

秋風初動海門深握手臨岐萬里心寄語長安諸貴  
客莫教容易視南金

青山一路到燕京四百長亭幾日行何草不黃風漸  
緊莫因鄉思便沾纓

袞袞諸賢帝里游九霄明月正當樓知君到日天如  
水莫謂高寒祇自愁

舊領秋曹貫索寒即今鳴珮注何官西山爽氣依然

好莫說朝天懶去看

因君欲奏帝京篇紫陌紅樓沸管絃白髮老人吾自  
笑莫教空惜買花錢

寄嘲屠禮部長卿四首 小序

長卿來書云俸入不足以給客只餘銀帶一  
圍解以換酒故有此戲

六年為令俸全無好客聲名滿帝都腰下銀魚將換  
酒我來何物可重沽

我來何物可重沽內子釵環當已無莫把朝衣都典  
盡好從仙侶覓醍醐

好從仙侶覓醍醐仍醉高陽舊酒徒上客倘然逢吏部改君官入步兵厨

改君官入步兵厨邈若山河舊酒壚對客不須餐脫粟勝如司馬在成都

鶴軒絕句贈劉煉師

歸從遼海已千年有鶴乘軒欲上天不是蓬萊新使者那能飛下鏡湖前

溪上

雲冷溪深度鴈稀霜清葉落向人飛家山漸覺迢迢遠客夢偏能夜夜歸

筏上三首

屯溪十里過梅溪野曠波平青嶂低烟樹滿村喧水碓鳧鷖閒卧夕陽西

前村落日渺寒津片月高天送遠人暝色入松青窈窕霞光在水紫粼粼

月白霜高天氣清一灘寒籟雜猿聲欲投野店前途宿十里孤村已四更

可憐

可憐深巷倚門身二八蛾眉滿鏡春不用翠鈿時掩恨只將粉面半窺人

日暮

千灘野水路行遲萬點空山日暮時借問啼猿何更急喚將雙淚向天垂

野宿

雲深月黑路猶賒野宿空潭傍釣槎鄉夢不成歌枕聽雞聲茅屋兩三家

溯錢唐七百里至漁亭爲灘者三百有六十由漁亭陸行六十里至初門縣由初門五百里至饒州爲灘者亦三百有六十乃賦絕句句吳於越荆楚盤七百二十東西灘開鑿豈曾經大

禹古今行路本來難

過顧園渡

顧園渡口雨聲喧誤聽行人說故園只在孤舟腸已斷寒風又送隔山猿

楚旅

寒流十日走山船烟雨微茫向楚天不用對人傷遠別到來空館一燈前

遊芝山十絕呈應遷劉使君

滿谷芝生五色鮮一尊誰共杖藜前風流愛殺劉鹽酒雲白山青五百年

劉鹽酒者劉季孫也

出郭閒尋紫翠中  
仲冬風日煖融融  
霜前黃葉芝山寺  
城上春雲帝子宮

芝峰頂上路縱橫  
無數青山不可名  
一片大湖西北去  
紛紛彭蠡鴈來聲

薄烟斜日步徐徐  
萬里湖光接太虛  
北望雲中青一  
抹山僧說道是匡廬

聞說芝山壓郡雄  
登臨不負白頭翁  
輕雲淡抹千峰小  
落日低迴四望空

四望亭也范文正所構

客裏尋山此最幽  
景中亭上萬峰收  
林迴綠樹遮黃  
葉洲入青天卧白鷗

景中亭屠叔方所立

興公指點白雲邊  
四望亭前萬壑連  
凍日茆簷寒似  
雨春來野水漫如天

幾片晴沙隔暮烟  
江流曲曲楚山前  
帆檣遠近東西  
客送盡斜陽何處船

帆前西去是湓城  
猶隔鄱陽幾日程  
悵望美人渾不  
見白雲空載鴈南征

故人林登卿為九江守今乃以憂歸閩南

紅葉如花不帶霜  
風流千古屬劉郎  
山家水戶多春  
色白鳥青松自夕陽

劉郎謂劉使君政通人和故有此語

贈歌者汪汝成四首

汝本無情我不愁  
忽然雙淚為君流  
燈前寫出徐娘

恨腸斷孤亭子夜秋

美人何處最風流  
華燭清尊舞莫愁  
不是綵雲輕載去  
如何不遣縐裙留

舞罷紅妝尚可憐  
白頭相見意茫然  
無情流水花邊急  
月照篁篔五十絃

激楚陽阿舞柘枝  
風流絕在斷腸時  
令人下盡無情淚  
月落花飛酒不辭

三賦瀟湘八景

水濶雲低天欲無  
蕭蕭暮雨濕蘼蕪  
孤舟腸斷天涯客  
花落黃陵泣鷓鴣

右瀟湘夜雨

烟消月出洞庭秋  
一鏡當天水不流  
萬里欲歸人未發  
君山如黛為誰愁

右洞庭秋月

山腰平作千家聚  
谷口斜通十里村  
春靄帶烟炊不斷  
水光浮日樹將昏

右山市晴嵐

天漸低垂暮色微  
江雲不動雪花飛  
欲尋野店孤舟泊  
誰傍寒梅一騎歸

右江天暮雪

遠樹離離浦溆分  
孤帆風急帶歸雲  
妾家正近沙邊路  
認得來人却是君

右遠浦歸帆

無數汀洲出水平  
群來行斷盡秋聲  
即非彭蠡湖邊雨  
便是衡陽山裏晴

右平沙落鴈

山重路轉寺門幽暮色烟光濕梵樓忽聽鐘聲催入  
定一燈空照楚雲秋

右烟寺晚鐘

漢水江鄉半是漁青蒲白芷作村居柳高不碍斜陽  
色晒網提筐出賣漁

右漁村夕照

再題吳王銷夏灣

吳王千載跡都磨銷夏灣中風月多何物可能知往  
事魚龍應聽舊笙歌

題越王嶒

領得殘兵走會稽五千同抱一枝棲橫行萬里江淮  
去莫忘危巢是故栖

蘆溪即事

舟入初門路更紆桃花炊飯煮江魚亂山深處人烟  
少竹裏誰家聞讀書

汪長公席上分賦金龜換酒用以解嘲

四明狂客氣嶙峋那得金龜繫在身唯有報恩三尺  
劍醉來脫贈有心人

司馬公送酒錢賦絕句爲謝

杖頭仍得桂青蚨司馬携來許自沽行到壚頭無宿  
債不妨重喚酒家胡

三之夜坐汪仲嘉枝閣兼呈其伯氏

愛君兄弟摠逃禪  
枝閣梅花共小筵  
百八鐘聲今夜月  
一鈎新向肇林懸

竹魚莊賦得汪司馬啜茗看梅花

華嚴經罷看流霞  
何處青山不是家  
冷眼見人沉醉後  
自將茗汁酌梅花

乙酉人日有道郭先生次父七十二春秋敬辦

二十八字為壽

客星人日降人間  
何用青牛西出關  
三詔洞中藏副草  
焦山不換富春山

汪長公為壽郭山人引觴開禁

知君自號酒家禪  
逃得真禪已自然  
却壽仙翁開了戒  
不妨彌勒上西天

嚙語

琯戈把示恍難看  
丈八盤空電欲寒  
何物眼前能若此  
公孫劍器舞場寬

雨夜坐中見月共賦

華燭高堂風雨深  
狂呼劇飲漏沉沉  
酒星忽向天邊白  
喚出嫦娥照醉吟

贈汪童子慧覺

雙眸炯炯牟尼相  
手弄華燈不夜臺  
慧性覺心從小

得不須謝客遠歸來

書汪永叔卷二首

共言小篆不如君玉簡金書孰與論  
宛委天都應只尺好於絕頂探靈文

大書盈丈細蠅頭迸落春雲戲海鷗  
爲我開縑書七字芙蓉江上釣魚舟

水影亭絕句次父爲吳太學索題

春水溶溶天倒流赤欄亭子百花洲  
日光搖處風微動繡幕金蛇走玉鈎

贈無際和尚

法名正誨荊州人

六合春雲處處迷雙丸日月九天低  
鐵圍山外無窮路望盡流沙西復西

竹素館東汪二仲

楊枝高挂綠絲長徑竹溪風又夕陽  
二仲不來空寂寞小齋閒殺讀書林

竹素館對兩懷二仲

雨滴空階夜未央夢回欹枕聽瀟湘  
起來對竹閒相憶溪北溪南春水長

賦得壽松堂爲吳懋長太學

庭下雙松百尺齊年年唯有鶴來栖  
遙思昔日秦封



豐樂樓詩選 卷四十一  
處風雨高臨翠蓋低

題吳仲實畫松障子

石梁誰寫第三株  
鱗鬣如龍翠色鋪  
風雨欲來須閉戶  
恐飛滄海奪明珠

志感

一再來登高士樓  
滿池風景入新愁  
山花片片紅如昨  
落盡只隨春水流

吳仲實沉舟放筏溪上二首

雨後相逢發興新  
萬山晴色一溪春  
風流公子移青雀  
眄殺洲前拾翠人

萬疊山中作水嬉  
碧雲天上過來遲  
借君千斛長生酒  
穿盡風潭百頃陂

與郭次父沉筏溪上因懷龍使君

鷓鴣風過水微腥  
放筏春溪烟霧冥  
我自濯纓君不見  
青天盡處有雲停

題王將軍石壁山房四首

翠華想像紫陽中  
扈蹕高皇有大功  
鐵券山河垂帶礪  
漢家豈肯負元戎

萬古青山此一時  
先皇曾頓六軍麾  
至今日月猶生色  
古栢長松舞翠旗

曲房斜徑石闌遙處處登臨事事饒翠嶺雲中仙子  
洞碧桃花底玉人簫

君是黃官谷裡人鑿開石壁翠嶙峋題詩欲訊司空  
聖幾處桃花可醉人

題吳仲實見示紅蘭

朱蘭聞自蜀中來今向天都谷口開我欲投詩湘浦  
去獨醒人莫再三猜

廿六夜吳敬夫張燈高宴賦此謝之

鶴焰龍膏酒似渾漢宮何用九枝燈不愁天上無明  
月不夜城開十二層

與王姬二絕

姬字玉蘭本何氏於越人

明燭高樓夜未央一枝紅艷海棠香玉蘭開在西窓  
畔月裏看來似淡粧

夜深明月舞前溪滅燭留髡度曲低曲罷偶從花下  
語始知家本苧蘿西

玉屏山中懷龍君善二首

溪上桃花樹樹新武陵猶有未歸人馬蹄應厭天涯  
草枉殺東風又一春

花滿青山客未歸落紅多半馬頭飛使君行處桑應  
綠縱見羅敷不駐騑

留別新安汪司馬諸公

萬樹桃花問政山故人握手正開顏不禁遊子思家  
急雨歇江渾獨自還

石壁山絕句

白雲空吊大風回朶朶蓮花石壁開我欲爲君歌小  
海恐驚風雨撼天來

索吳延秋畫着緋圖絕句

看着朱衣白髮新不妨呼我畫中人高樓對雪秋江  
釣分作鵝溪兩幅春

寄題長干美人趙昭陽之作

輕盈掌上艷陽新再覩昭陽殿裏人誰說六朝金粉  
盡一身當得秣陵春

仲初書來云後圃種竹三百竿再賦二絕

想見簷簷已作陰雨餘疑有筍如簪可留東畔三弓  
地放出新梢月半林

昨夜無眠爲想君君家竹色長春雲何時竟造清陰  
下但使泠然嘯咏聞

路口

不記行程路口又醉馱小馬趁歸鴉誰家池館斜陽  
外落盡秋風白藕花

豐樂軒詩選 卷四十一  
悼范公子二絕

生死無端亦可哀，共言君爲醉鄉催。  
春風草色年年綠，一駕靈車便不回。  
少年場裏不曾來，蒿里歌成莫浪猜。  
應有客澆泉下酒，更無人賦墓中梅。

浣紗

浣紗石上嬌無語，水底花枝冷笑人。  
它日吳宮催第，一始驚時值艷陽春。

竹底

竹底幽窓可晏眠，數章喬木俯青天。  
綠蕪花鴨方牀

下清夢寧知落輞川

過死鴛湖作

水花烟葉女墻低，翠殿紅樓接紫霓。  
風急采菱歌忽斷，行人疑入武陵溪。

又送戚少保

把手其如送別何，將軍歸去便投戈。  
只開北海盈尊酒，莫作南山種荳歌。

書梅谷禪師卷

天竺先生般若臺，西來宗旨問黃梅。  
馬頭片月青山頂，照見梅花滿谷開。

過文長故業作

木蓮巷口夕陽斜  
細雨東風濕杏花  
酬字堂前雙燕子  
不知今日屬誰家

織女

爲向流黃弄玉梭  
春光拋擲怨蹉跎  
一心願織花枝巧  
不怕千條萬葉多

蘭亭作

蘭亭山色千年在  
人世千年幾變更  
今日來遊天欲雪  
梅花開到越王城

戢山亭看雪

三面青山幾萬層  
滄溟北映夕陽澄  
空亭倚杖看殘雪  
卽有天風便可乘

越相范少伯祠

相國祠堂與寺隣  
階前雪重折蒼筠  
冷然池上今明月  
曾照當年霸越人

又題范少伯塑像

白髮蒼顏居士裾  
手持一卷計然書  
當時十策猶餘五  
豈畜雞豚與種魚

與伯翼乞垂楊種

欲向春風借一枝  
種成門巷待他時  
任人呼作先生

柳不屬長亭管別離

春日過范司馬十洲閣有感

湖上青山號十洲幾從杖屨作仙遊  
卽今花柳春仍到目盡天邊空碧流

過長水縣梅花溪作

長水茫茫到海賒秦時故縣幾人家  
溪邊見說殘梅在春未來時已着花

春風四首

春風澹澹起青蘋萬樹千枝色更新  
昨夜東家墻忽壞亂紅堆積滿西隣

一庭芳草自枯榮唯有春風是至公  
不道老人難再少也來吹我白頭翁

何曾辜負好良辰詩酒評章老更新  
自喜春光不相棄花前嘗得作閒人

淺深黃白紫青紅萬種千般刺眼工  
既解吹開復吹落誰將恩怨記春風

雨過

雨過青山色更深桃花無數隔重林  
清溪一道中間落流盡殘紅又綠陰

兩燕

東風吹濕杏花梢  
海燕新來覓舊巢  
閒殺主人無一事  
坐看流水沒堂坳

孺愿山亭卽事

山亭雨過桐花落  
洗硯池渾欲染魚  
大醉不辭盈甕  
酒狂來忽作老顛書

有士願爲京遊者  
乞詩戲有此贈

汝向長安何所之  
黃河風澁去帆遲  
囊中三百綾文  
刺謁到楊雄是幾時

黃雀詞

蓬蒿滿地夕陽殘  
黃雀飛飛欲避寒  
肉瘦不堪供鼎

俎祝君宜放網羅寬

至越不值陳李聞  
其旌節過湖懷之遲之得二  
絕句

別憶梅花雪滿頭  
到來黃葉又驚秋  
相逢夢隔錢唐  
夕新月如鈎鏡水流

碧浪湖邊屬玉飛  
使旌終是帶霜威  
不知鷓首西行  
處曾向何山挹翠微

向山者隱士何楷讀書處

贈王姬見如

低唱風前金縷衣  
落花輕逐斷魂飛  
不堪更聽湘靈  
瑟天際行雲挾夢歸

留別伯遠玄白二首

葉盡空林月欲無長波渺渺只平蕪  
眼穿落日當何處李白祠前泣夜烏

此行東去秣陵西王謝風流舊宅迷  
最是可憐明月夜思君獨自過青溪

館娃宮

吳王舊事已全空野寺荒林夕照中  
唯有無情春草色年年青遍館娃宮

宿綠蘿菴閣上

欲雪未雪寒濛濛來宿海天吟閣中  
風吹落葉雨打

瓦夜半擁衾明月空

過無錫哭葉茂長二絕

廿載交遊敢自忘去年猶記醉鱸鄉  
不能裹飯存妻子空向隣人問草堂

天寒不見雪中樵一片青山空寂寥  
欲哭不知何處墓野田荒徑草蕭蕭

靈巖山

響屨廊空香徑微千年往跡故應非  
青山花草斜陽下唯見殘僧晒衲衣

靈巖山懷古

靈巖山懷古



豐登樓詩選 卷四十一 三十一  
青山高瞰館娃宮響屨廊深香徑紅一自西施歸去  
後野花無語笑東風

小溪

小溪流水去何長來自桃源不死鄉花發鳥啼春似  
海莫教容易引漁郎

吹簫吳生

虎丘山月白如霜夜半歌聲起客航一曲洞簫松際  
出分明弄玉過吳昌

戲題假山湖石

片石嶙峋假是真山成只解送青春可憐有眼無情

甚閱歷世間多少人

蚤發

孤舟夜半發霜溪鄉夢初回怯枕低過畫前村多少  
路但聞月出未聞雞

詠獨輪車

兩人推挽一輪行路入崎嶇巧作聲載得王孫多少  
恨連天春草不關情

車行

殘岡斷隴費車輪凍日寒風何處人羨殺松門雙白  
髮携孫弄影不知貧

禪館

禪館幽眠風竹搖夜深疑雨復疑潮最憐慣客江湖  
裏聽雨聽潮揔寂寥

辱盧子明倪長卿孫孟陽江大涂枉過僧廬不  
得奉候顏色而去口占謝過

暫將踪跡寄空門乞食隨僧偶出村惆悵諸君尋不  
見自傳清磬與黃昏

贈馬姬之青衣善歌者曰冬梅

秦青不是鶯歌人響落明珠字字勻江左不妨歌玉  
樹新詞號作太平春

枕流閣

亭亭閣影浸淮清檻外垂楊拂地輕桃葉渡頭春水  
漲流來日作枕前聲

常與堂

水上茆堂結構寬盤桓客與足清歡日斜客去調鸚  
武數得紅茶一半殘

為馬參軍熒題沈太守襄画梅

生綃花沁墨痕香眇殺江妃枉斷腸纖手欲探無下  
處春風不上壽陽妝

豐對樓詩選卷第四十

豐對樓詩選目錄卷第四十一

七言絕句

為陳亮夫題画

答盧子明雪中見懷

答倪長卿雪中見懷

答江大涂雪中見寄

友人家見夾紗燈屏多出趙雪林子實之手今

其人往矣黯然傷之

送吳駕部公擇罷官還雪上二首

紅板橋二首

與歌者

與二三友人過崔新鶯所留題

王文成祠

醉翁亭即事

庶子泉

白馬溪即事

坐白象潭上

白馬橋即事

獨立

酒家送客

馬姬月嬌為余作蘭賦寄

過三山

江行

三山南去相隔六七十里復見有如三山者亦

儼然立江中

過青山作

沙河絕句

太湖絕句贈王明府

太湖蚤發

水上聞歌

吳子雲結樓鏡水之上題曰聽水賦詩三絕

送張君期秀才入楚訪孫華容二絕

吳子雲有揚州之役送之兼柬陸無從二絕

謝朱孟明手製籜冠見惠

贈雲中人

乞竹

種竹

傷春曲

宿孺宗烟波閣

伯翼太學以綠萼梅見貽賦謝

荒村客至

吳少君寓浮夢館寄以絕句二首

聞少君將移寓楊伯翼脩園賦四詩趣之少君

奇士故稱病鶴生又稱玄鐵山人又稱痴道士又稱懶和尚每以銅鐺天然几萬歲藤杖自隨故詩中每及之

擬人和衣緋四首

感事

花朝

廢宅桃花

春怨

趙太常寄酒賦謝

讀伯翼詩有紈扇題適觸予衷借題漫賦

龍丞躬為祭龍之役作絕句記之

有序

寄陳甥彛父

村居十絕戲為白傅體

題沈啓南画枇杷

遙送玉山程孟孺以貲為郎北應中秘之募三

首

賦得上陽宮一首送吳氏入浙求應舉

自題戊寅歲初度所寫影堂

有序

陳若曾改號憨齋乃戲柬之

嘗新稻二首

答客問

絕句哭柴仲初秀才

鄔汝翼好遊聞今息影寄之

病中水本德見過四首

漂母祠病夢中為詩鬼所索

江女弄珠紀夢

絕句

鄭朗饋梨

懷人

雪酌

問孺宗齋頭水仙花未

破寺

龍郡丞楊別駕惠曆

試行

獨吟

雪語二首

除夕作

訊王延齡

哭王四瞻美二首

唐義士二首

有序

道旁亭子

聞仲連惠酒戲答絕句

寄贈三衢翁處士

贈送子孟陽

小院

竹夫人

望雨

夏日不雨二首

萬曆十七年六月九日聖恩許復胡少保大司

馬梅林公官爵復與祭葬門生沈明臣聞之

不勝舞忭欣躍賦詩三章以志我公泉下之

喜

東王元美司寇

伯俊侍御禮佛還相聞相見共得三首

伯俊譚汪伯耳舊事即席二首

送伯俊西還一首

後漢塞上曲二首

盆中水仙寒深頓覺離披戲賦二首雖朝之實

傷之也

留遠客見宿二首

戲柬友生

老樵巖

長春軒

鳴絃磬

槐影亭

雙龍谷

夜嘯

嚙語

近述一首

樵李城

語兒溪

夢游石梁因寄黃說仲

鮎埼亭寄鄒秀才長豫

廬山高

突星瀨

偃王祠

鴈宕山

姑蘇臺

天目山

伏羲臺

銅雀臺

九鯉湖

文翁堂

軒轅臺

蒼頡臺

肥牛亭

子陵臺

督亢亭

三歸臺

楚陽臺

送穎叔北上十絕

題蘇李泣別圖

寄何唯聖

失題二首

擬東陵橋送別

昔日一首奉寄龍公

豐上聖本言選二 卷四十一 五  
送楊倅丞興化兼柬舊明倅唐公

雨中漫興

題舜舉畫楊妃山茶二首

前海徼曲二首

後海徼曲二首

豐對樓詩選卷第四十一

甬句東沈明臣嘉則父著

從子沈九疇箕仲氏選

七言絕句

爲陳亮夫題畫

誰移瘦影上生綃豈是江妃恨不消縱有東風吹莫  
散滿窓明月照寒宵

荅盧子明雪中見懷

陰雲十日北風裂吹滿帝城三尺雪故人只在青溪  
傍寸心空向壚頭熱



雙玉堂詩選 卷四十一  
峇倪長卿雪中見懷

牢落長干只閉門題詩今喜故人存  
吹來雪片真如席買酒無錢不出村

峇江大涂雪中見寄

雪裡梅花空自香  
故人不見夢魂長  
明朝欲渡青溪水馬沒深波泣斷梁

友人家見夾紗燈屏多出趙雪林子實之手  
今其人往矣黯然傷之

雙紗屏雜九枝燈  
鬧入春風十二層  
此藝今來無妙手  
華林雪散水消冰

送吳駕部公擇罷官還雪上二首

長干雨過淨無塵  
回首千山建業春  
流水一天將遠棹  
桃花夾岸送歸人

天目太湖山水郡  
扁舟落手混漁郎  
不妨喚作天隨子  
一曲滄浪西塞長

紅板橋二首

百尺朱橋楊柳池  
淺黃深綠正垂絲  
攀條不語低徊去  
夢裏憑誰與画眉

紅板橋頭楊柳新  
千家珠翠鬪青春  
飄飄欲解風前珮  
定是湘靈幻作人

與歌者

不知何處轉春鶯宛轉飛揚只數聲柳外花間尋不見却來偷按玉人箏

與二三友人過崔新鶯所留題

春風逐隊過平康一片鶯聲出短墻何似當年蘇小小門前繫馬記垂楊

王文成祠

桂樹團團書影長文成祠宇肅滁陽醒心來遠雙亭子相送空山幾夕陽

醉翁亭即事

醉翁亭子翠微間飽食櫻桃醒看山添得解醒新閣在鳥聲花影杖藜閒

庶子泉

一勺開從李幼卿千秋庶子托佳名巖花半壁如臨鏡山月全窺可濯纓

白馬溪即事

夏日來尋白馬溪綠林黃鳥向人啼僧閒晝永經聲絕一枕清涼到日西

坐白象潭上

白馬溪之上游高出溪上一尋積水深丈許

云源從老山來至此殆二十餘里象山之南  
鳳皇山之北麓也

白馬溪頭白象潭象山北擁鳳皇南鹿皮藤杖閒來  
坐那有嵇康七不堪

白馬橋卽事

白馬橋臨九曲溪千章喬木寺門低偶聞戴勝啼桑  
上又聽黃鸝語谷西

獨立

青山半出夕陽遲正是江天雨歇時獨立小橋看水  
漲鳧鷖閒卧綠楊垂

酒家送客

綠柳青蘋四月春薄烟濃日暗香塵縱饒不飲醒然  
去其柰風光醉殺人

馬姬月嬌爲余作蘭賦寄

湘蘭爲字月嬌名月似嬌姿蘭似情只恐湘靈當日  
在也應妬殺馬卿卿

過三山

孤帆西過三山側回首三山白浪中野殿無烟僧不  
住白雲來去大江空

江行

豐聖相言選 卷四十一  
四  
微風白日大江行無數青山不辨名空處最憐三五  
點青螺為鬢紫烟生

三山南去相隔六七十里復見有如三山者亦  
儼然立江中

三山南去復三山千片帆前一水間遙擬蓬萊如別  
境到來猶只似人寰

過青山作

寂寂青山若有神月明疑見錦袍人布衣供奉華清  
裏回首于今九百春

沙河絕句

岸岸青山曲曲溪一帆如馬逐東西多情唯有潛峰  
色相送相迎翠不移

太湖絕句贈王明府

楚中才子漢星郎家擅文章五世昌鳥去雙鳧如葉  
令花開一縣似河陽

太湖蚤發

星殘月落曙光生寂寂千山一鳥鳴催起舸艚雙槳  
健水村烟樹路縱橫

水上聞歌

雲樹深深江水長草青沙白正思鄉唱歌只愛風光

好不管離人久斷腸

吳子雲結樓鏡水之上題曰聽水賦詩二絕

澄波綠樹滿西山千丈鏡前方一灣唯有小樓堪聽  
水桃花時節更潺湲

銀浦流雲夜有聲小樓欹枕欲三更平生夢醒江湖  
裡猶道蕭蕭風雨鳴

送張君期秀才入楚訪孫華容二絕

月色瀟湘秋更多長江西去柰愁何君山曉黛蛾眉  
澗畫出芙蓉滿鏡波

水遠山長怨楚天茫茫何處大隄邊紅霞綠樹千門

映莫逐歌聲去采蓮

吳子雲有揚州之役送之兼柬陸無從二絕

一別瓊花二十年春光常落夢魂邊因君此去頻回  
首十五橋頭月正圓

風雨揚州幾斷腸君來一一問行藏舊時月下聽簫  
伴頭白蕭蕭有陸郎

謝朱孟明手製籜冠見惠

多君手製竹皮冠著向青山歲月寬鶴髮不禁梳後  
影半溪寒色老漁竿

贈雲中人

雲中渺渺三間屋江上閒閒十畝園此是先生高隱處坐看紅日下平原

乞竹

願乞琳琅四五竿空庭月色借清寒春風便有兒孫長他日來將竹祖看

種竹

手種琅玕讀楚騷碧梢漸引過雲高月明坐見青鸞影雪夜時驚白鳳毛

傷春曲

東風芳草不勝愁乳燕新鶯可自由妾未嫁人身已

老眼看花片委春流

宿孺宗烟波閣

一宿高樓萬慮空何如身到白雲中青燈黃葉蕭蕭下枕畔湖南幾樹風

伯翼太學以綠萼梅見貽賦謝

一枝分自隴西頭萼綠華來月滿樓同是梅魂能入夢莫將容易比羅浮

荒村客至

荒村雨歇夕陽生顛倒衣裳喜出迎急搗香粳炊飯客梅花明月伴三更

吳少君寓浮夢館寄以絕句二首

暫息湖南小院幽湖光一片上簾鈞天然木几堪憑  
嘯勝跨仙人赤玉虬

浮寄湖心似泛舩夜來清夢幾回圓比隣賀監祠前  
水一片玻璃直接天

聞少君將移寓楊伯翼脩園賦四詩趣之少君

竒士故稱病鶴生又稱玄鐵山人又稱痴道  
士又稱懶和尚每以銅鑪天然几萬歲藤杖  
自隨故詩中每及之

甬水城南山更青茂林脩竹似蘭亭何時荷鋪穿雲

去萬歲松根斲茯苓

楊子郊扉足草玄白雲如海水如天莫嫌無伴遲遲  
去急取銅鑪煮雪泉

隔隣况是紫薇庄蘭葉梅花滿竹房幙被欲來同汝  
宿清溪恰受兩人航

身如鶴骨瘦稜稜首戴黃冠號髮僧董母墓前看落  
日與誰同試萬年藤

擬人和衣緋四首

綠滿長堤春正嬌何人馬上着緋袍垂楊樹裡秋千  
出打破東風亦絳綃

右春郊走馬

沈郎腰瘦不勝春也作東山擁妓人一段丹霞飛不起混他紅袖紫綸巾

右東山擁妓

何處孤舟載絳人青天盡處獨垂綸芙蓉未是花開候點破秋江一片春

右秋江把釣

家貧不典驢驢裘獨立縹渺江天樓雪正飛花扶醉眼美人簾下罷箜篌

右高樓對雪

感事

鮮車怒馬氣如虹舊日歡呼淮市東漂母墓前今醉過幾行新淚濕春風

花朝

一春風雨禁啼鶯稍喜花朝獨放晴滿眼江山生氣色出門真覺杖藜輕

廢宅桃花

昔年池館似高唐猶有桃花滿壞墻夢裡春風渾不覺一枝無語吊殘陽

春怨

未曾取酒坐花茵空使桃花盼殺人昨日稍晴今又雨不禁芳草怨青春

趙太常寄酒賦謝

抹陵春色滿齋宮何日乘舟去若空知汝太常元獨



醒却將美酒醉山翁

讀伯翼詩有紈扇題適觸予衷借題漫賦

樹影空庭月浸遲涼風吹動鎮犀帷傷心紈扇題新  
句寂莫流螢撲向誰

龍丞躬爲祭龍之役作絕句記之有序

鄞之天井銅盆金沙皆龍窟云載在祀典每  
歲六月十六十七十八日邑長以牲醴致祭  
此故事也此禮曠廢久矣不過遣從事或學  
官一行耳乃今龍郡丞視縣篆可謂能脩故  
事有其舉之矣喜而記此詩云

東西天井及金沙中有銅盆跨水涯赤日卑車三露  
宿使君心本重農家

寄陳甥彛父

君王行幸幾時逢一種蛾眉命不同莫道塞垣無草  
色春光不到上陽宮

村居十絕戲爲白傅體

無愁無喜過朝昏酌酒哦詩懶出門七十年來方舉  
子待他婚嫁可能存

四歲男兒三歲女男能言笑女能行時時抱弄貧而  
樂處處提携老不驕

階前一二新栽竹庭下參差舊種花品畫闌茶聊度  
日焚香掃地作生涯

江村長日少人過竹籜爲冠衣薜蘿磴磳坐來生巧  
思山青水綠畫維摩

自喜樓居絕點埃好山都在北窓隈青青愛殺隣家  
竹日日開簾引得來

讀書不用求深解作賦何曾取必傳無事借爲消暑  
計等閒自結本生緣

爲人不解作逢迎拙性從來懶治生無客到時常閉  
戶有花開日便飛觥

愛閒花下忘冠幘習懶風前罷送迎拄杖柴門何所  
作音做綠陰深處聽蟬聲

明霞遙映晚江天龜坼高低上下田繁露有書空自  
讀桔槔聲沸五更眠

才惱商羊舞不休又悲旱魃苦爲仇白頭有淚憑誰  
灑蒼莽田間祗自收

題沈啓南畫枇杷

山中五月枇杷熟江上一天梅雨晴正是蘇州好風  
景石田居士画初成

遙送玉山程子孟孺以貲爲郎北應中秘之募三

首 子孟孺娶丘姬乃楚人善佞佛日喜誦觀音經而結別業於龍牧湖上又有寫經菴刻置黃庭內外玉景經於中且又連舉子雖薄仕可也幸毋留滯長安塵土故詩多及其事焉

聞君歸掃玉山房始寄書來到草堂金薤琳琅滿眼正堪去作秘書郎

垂老安然卧海東飛騰名喜故人雄好文正值元成日侍從班行白虎中

政喜相如爲大夫碧梧况有鳳皇雛寫經菴是逍遙

地誦罷蓮花誦並珠

賦得上陽宮一首送吳氏入浙求應舉

君王遣入上陽宮猶望天邊輦路通寶鏡無言惟自信胭脂不改舊時紅

自題戊寅歲初度所寫影堂

有序

萬曆戊寅冬余客海陵值六十初度吾鄞陳生爲余寫此影閱十年爲萬曆戊子秋日偶曝書畫見此始題其上

烏巾鶴氅白鬚眉未諗他年認却誰此日題詩還作我沈郎端是舊風儀

陳若曾改號憨齋乃戲東之

何事君重以憨呼誰知阿憨是花奴五髭相娶十姨  
去杜甫於今得丈夫

嘗新稻二首

炊來紅粒飯香時色勝桃花味勝脂九十日田容易  
熟江南號作救公饑

糟牀響注蓮花白酒也野老先嘗醉似泥十畝可圖終

歲飽不如只種救公饑

答客問

饑來喫飯倦來眠掃地焚香亦晏然七十老人何所

事只宜如此度流年

絕句哭柴仲初秀才

痛汝平生只斷腸庭花敗雨不生香魂來何處堪棲  
泊唯有青蠅吊夕陽

鄔汝翼好游聞今息影寄之

丹徒布衣元自雄今日閉關秋草中金焦江上好山  
色一一始當隨迺公

病中水本德見過四首

于今五十有三年小少從遊共一羶白日芸窓清夜  
雨夢魂常到小樓前

爾我為翁歲已多通家今日喜相過盤飧未暇為雞黍談笑先從覓薜蘿

七十餘年未死翁故人相過病危中較醫勘藥能生我四壁青雲一榻中

四海交游豈不多惟君覺是弟兄和平生寶劍俱拋却共聽雲山韶護歌

漂母祠病夢中為詩鬼所索

官墻瓦落古城歎聞是當時漂母祠拜罷低徊春日晚淮風吹水海雲垂

江女弄珠紀夢

美人江上弄雙珠明月盈盈照錦襦忽放夜光三萬里又從海底出珊瑚

絕句

兩點新花照眼寒一枝風雨忽摧殘人生大夢渾如此且看青山綠樹寬

鄭朗饋梨

快果携來忽滿筐如水可用擣為漿清涼比得金莖露縱是相如渴不妨

懷人

無事只登江上臺有酒但問梅花開銅盆渡頭雙鳥

去望盡夕陽猶未來

雪酌

病裡三杯初引醉冬來一雪喜連宵卽時江口花爭  
樹明日溪南水漲橋

問孺宗齋頭水仙花未

翠珮盈盈濕露苔美人曾爲剖珠胎春心欲托湘江  
水寶瑟無聲月自來

破寺

破寺突烟常不起晚鐘無聲寒日裡乞食渡頭僧獨  
歸門前兩樹藤花紫

龍郡丞楊別駕惠曆

山農抱病日高眠喜見龍飛十七年不有郡公能布  
令陽春那得到窮泉

試行

試行下榻難離杖十步猶扶不自由從此逍遙山水  
上不妨日日看鳩頭

獨吟

避醒戒酒已多時唯有吟詩病不辭縣解自知還自  
賞百篇風雅號新詞

雪語二首

簾卷半天蝴蝶飛開門滿地梨花肥細剪宮梅鈿貼額軟吹江柳絮沾衣

軒轅臺上大如席長安市中深沒泥青侵北郭先生履紅濕西蕃大將旗

除夕作

椒盤綵勝豪家事高燭梅花處士緣共喜故鄉今夜好誰言風雨客他年

訊王延齡

饑饉頻年減客情可能移棹訪曹生落花滿眼皆春恨只恐王郎欲避名

哭王四瞻美二首

花裏一生多酒伴少年場裡更知名三千一擲輕流水豪俠誰能過我卿

十年三度過婁東嘗醉君家酒肆中子夜紅妝清晝舞哭君今日向西風

唐義士二首 有序

唐義士寥有方者交州人故與柳子厚厚善嘗有序贈之元和十年下第遊蜀至寶雞界之逆旅中見一人病垂死扣之乃云辛勤數舉未遇知音眊眊扣頭久而復語唯以殘骸

相托餘不能言俄而逝於是方憐之既已  
 心許輒賣所乘馬備棺歛葬乃書版記事而  
 又哭之以詩云嗟君沒世委空囊幾度勞心  
 翰墨場半面為君伸一慟不知何處是家鄉  
 其高誼若此真所謂無所為而為者歟明年  
 李逢吉主試事有方及第天之報施善人一  
 何不爽也哉予讀其事慨焉慕之為賦詩二  
 首命題為唐義士云

相托殘骸葬道旁不知名姓不知鄉一時心許捐吾  
 馬義士交州寥有方

一坏旅葬岡頭淺客子遊魂何遽返義士交州寥有  
 方寶雞界口親書版

道旁亭子

落日影斜行李散秋深葉淨野風吹去年記得來拴  
 馬東畔垂楊半折枝

聞仲連惠酒戲答絕句

滿甕春香綠蟻生携來一似聖人清君家吏部山公  
 在直欲從之乞步兵

贈送孟陽

念汝相依近十年一朝別去已茫然重來正好看新



月又被春潮催上船

寄贈三衢翁處士

半生踪跡在南州太末春雲待白頭縱是西湖堪托老也應回首憶龍丘

小院

小院香生簷蔔花不須燒鼎誦南華夕陽忽過江頭雨露出前村四五家

竹夫人

珊瑚枕畔御冰肌日夜專房是夏姬只恐秋風吹白露未央宮寵一時移

望雨

秋穀垂花日日晴舜田無水絕蛙聲桔槔閒在茅簷低何處逢人說太平

夏日不雨二首

去冬五雪俱稱瑞準擬今書大有年不道又逢千里赤薰風吹淚濕江天

淚濕江天事事慵徑隨野老日雩龍夢中龍作人來語上帝江湖處處封

萬曆十七年六月九日 聖恩許復胡少保大

司馬梅林公官爵復與祭葬門生沈明臣聞

之不勝舞忭欣躍賦詩三章以志我公泉下之喜

漢大將軍即司馬周家祈父號三孤盡還官爵天王聖始信當年薏苡誣

右復爵

一辱泥塗晚未回覆盆今復睹光輝九泉一滴堪消受臣骨千年永不灰

右與祭

伏波勲業掩多年泣盡空山雨一天塋葬不魯深即土聖恩今許象祈連

右與葬

東王元美司寇

黃鬚兒子新登第白髮尚書久冊勲見說弁州園裏

客時時來誦北山文

伯俊侍御禮佛還相聞相見共得三首

從君去作繡衣臣曾一題書寄隱淪滄海青天雲路隔幾回空作夢中人

聞君來禮洛伽山我亦披衣便出關相見匆匆無別語只云夢裏御慈顏

親閱龍宮貝葉書天窓開處竟何如歸來疲卧津梁上好食比丘石首魚

伯俊譚汪伯耳舊事即席二首

小隊郊垵暫出游偶逢畊者便騎牛眼光射落牛背

日只自吟詩不轉頭

漸離擊筑荆卿愁馬死黃金散不收百壺酒盡天風起一哭燕山萬古秋

送伯俊西還一首

日夜思親不肯留布帆西挂去揚州前途風雪知多少只指雲邊太白樓

後漢塞上曲二首

漢家日夜戍蕭關老將無功獨未還見說封侯雙淚落戰袍空染血爛班

漢兵西出取龍媒萬里蕭蕭幾匹來天子殿前親閱

試玉鞭金勒影無埃

盆中水仙寒深頓覺離披戲賦二首雖嘲之實傷之也

翠袖生寒只倦凭碧闌春悴力難勝無心去入襄王夢只對相如卧茂陵

楚腰無力不勝春湘水寒深只自顰翠帶飄零金粉落傷心一似病宮人

留遠客見宿二首

月黑前村似覺賒新來遠客問柴麻莫愁風雨無多路只隔烟林數十家

西邊宿處近池亭風響芭蕉客夢醒明日晨炊葱麥  
飯莫辭留滯費丁寧

戲東友生

買來酒舍向城隅遣婦當壚著子虛若得題橋驅駟  
馬也應呼作漢相如

老樵巖

腰斧入山巖碍月砮雨砮風無砮雪只怕催租官吏  
逢不怕臨深衝虎穴

長春軒

誰家高館獨藏春日日花開眼自新我欲爲君沽酒

去路途雖遠夢魂頻

鳴絃磬

泠泠磬水似鳴琴竹裏時聞太古音唯有月明涼夜  
好誰將枕石卧松陰

槐影亭

槐影當中日正平夕陽如送早如迎主人晏坐空亭  
裏聽得新蟬第一聲

雙龍谷

盤盤繡谷縮雙龍千樹桃花萬樹松草屋三間吾欲  
借不知還肯種笑容

夜嘯

四更沉沉五更起  
剽然一陣高樓風  
銀河已斷月欲落  
有人獨嘯千山空

讌語

幾轉輪迴笑此身  
前生曾作帝堯民  
九年大水時時飽  
即是當初擊壤人

近述一首

黃髮垂垂晚更梳  
自憐光景入桑榆  
璜溪釣淺無勞夢  
媵野畊深只讀書

攜李城

攜李城西落日斜  
千年往事有誰嗟  
寒鴉飛處皆吳越  
一望無名野草花

語兒溪

春風來過禦兒溪  
野雉低飛麥浪齊  
一片桑麻天氣綠  
養蠶時節鷓鴣啼

夢遊石梁因寄黃說仲

夢以孤藤拄石梁  
桃花三月水生香  
赤城霞氣今猶昔  
都作黃生錦繡腸

鮎埼亭寄鄔秀才長豫

鮎埼亭在古鄞南  
控海青天自蔚藍  
欲薦江瑤生作

豐堊樓詩選 卷四十一 三十一  
饌漢家金鼎不名饒

廬山高

九疊屏風瀑布懸  
鳥飛不盡截長天  
便拚死葬青峰下也  
作乾坤五老仙

突星瀨

惡溪風雨書冥冥  
亂石縱橫似突星  
編竹為桴尋絕勝  
括蒼雲氣本來靈

偃王祠

偃王祠下泊孤舟  
太末春雲滿地浮  
聞說昔曾沉玉研  
至今江水縠紋流

鴈宕山

萬山絕頂大湖開  
稍入清秋鴈即來  
吸露餐霞堪不死  
更從何處索蓬萊

姑蘇臺

空山今日野花開  
此地吳王舊有臺  
何用高者三百里  
祇應先睹越姬來

天目山

天目山高入天一  
鈞滄海落東邊  
眼前雙乳垂龍鳳  
直欲乘風駕紫烟

伏羲臺

豐壘橫詩選 卷四十一 二十三  
中天山色爲誰開猶剩當時畫卦臺  
著草至今生滿地世人空只等蒿萊

銅雀臺

歌舞空臨銅雀臺不如親領美人來  
千年不改漳河水落日悲風也自哀

九鯉湖

夢裡來過九鯉湖九湖靈夢若爲符  
分明幻出神仙府墮作人間冰玉壺

文翁堂

峨嵋玉壘控銅梁傳有文翁舊講堂  
劍閣銘堪刊日

月華陽國本擅文章

軒轅臺

軒轅黃帝有高臺丹鼎神光萬丈開  
何故龍髯攀不得烏號忽墮小臣哀

蒼頡臺

天地遙傳制字臺曙分長夜結繩開  
春池歲歲生蝌蚪曾聽當時鬼哭來

肥牛亭

佞臣何故乞紛紛師傳恩深帝命勤  
猶向肥牛頻請地極憐無劔借朱雲

子陵臺

子陵灘上釣魚時  
寂莫長竿只自知  
若道故人來物色  
定應先被白鷗欺

督亢亭

誰寫丹青督亢圖  
風沙盡日是模糊  
圖窮七出須臾事  
只覺荆卿劍術疎

三歸臺

當日桓公空六嬖  
至今管仲有三歸  
山河四履東連海  
柳絮梨花三月飛

楚陽臺

騷人昔賦楚陽臺  
千古令人不可猜  
暮雨朝雲今尚有  
豈應神女盡安排

送穎叔北上十絕

四千里外是燕都  
出餞西亭酒一壺  
十幅布帆高挂月  
東風明日又梁湖

錢唐江水滑如油  
知汝平生本好遊  
二月西湖花似雪  
行人不得暫淹留

汝到吳江一繫船  
周郎相見兩惓然  
爲予問訊長橋柳  
青眼垂來幾尺烟

金山寺裏讀書臺  
舊日王孫喜又來  
白鳥正逢江草



綠青天唯見海濤回

聊城歇馬晚悠悠獨上任公舊酒樓莫道今時無子

白正當供奉殿西頭

白髮垂垂柰我何送君雙淚一滂沱不妨燕市尋常

醉遇着荆卿莫和歌

黃金臺廢草猶香幾度臨風欲斷腸買酒一澆臺下

土請先為我哭昭王

五色春雲玉殿紅聖人今正御椒風勸君且閉譚天

口碣石宮沉渤海中

燕都春盛九衢香風卷烟沙落日黃莫倚平生多感

慨好驅羸馬吊田光

于今壯士不西遊易水歌殘白日秋聞說劉蕡猶有

墓清明時節草如油

題蘇李泣別圖

十年卧起節毛稀此日心隨白鴈飛痛殺李陵空有

淚別時難染漢臣衣

寄何唯聖

寶劍無光白馬拳漢兵不出勒燕然淒風凍日滄沱

上為汝哀歌老将篇

失題二首

即日長安幸翠華歌風四海未爲誇太公猶自思鄉  
里雞犬新豐各認家

三月鶯花滿地春朱闌劇戲百般陳門前自有新來  
客何必遙遙喚故人

擬東陵橋送別

東陵灞口送王孫馬起塵生淚眼昏共說銷魂橋莫  
過誰知銷盡已無魂

昔日一首奉寄龍公

青青麥浪擁西郊昔日曾歌使者勞烟火蕭條桑柘  
薄單車誰復到林臯

送楊倅丞興化兼柬舊明倅唐公

南風吹雨荔枝紅千里星軒半刺雄采得風謠堪記  
取木蘭溪上訪壺公

雨中漫興

空山長日苦湯湯細雨江花六月寒酒醒微風香暗  
度北窓開處有林蘭

林蘭卽蒼苔

題舜舉畫楊妃山茶二首

雪水錢郎筆欲飛山茶貌出醉楊妃華清宮裏沉沉  
處夢到漁陽不肯歸

深着韶鉛淺着緋好花誰號是楊妃馬嵬驛畔無歸

路一段遊魂繞樹飛

前海微曲二首

鯤人消息暗飛頻十萬樓舡戍海濱大將鷹揚裨將  
虎陳錢北壁截來津

戈舡下瀨漢兵回萬里扶桑一鏡開露布傳來明若  
電轅門給賞疾如雷

後海微曲二首

即今岩穴豈無人隱姓埋名竟陸沉白日草堂誰復  
過碧山流水自嶙峋

北從碣石到南閩架海擎天合有人推轂六藩專節

制肅皇神武得功臣

豐聖樓詩選卷第四十一

豐對樓詩選目錄卷第四十二

七言絕句

客有問余以四時之樂口占四首答之聊存在  
草

寺病

高墳

謝家少宰惠菊二首

中林六詠

櫟社

常樂鐘魚

白祠古栢

新橋酒市

櫟水菱歌

平楚觀瀾

昨日

補作江天暮雪

漫述二首

時有縉紳先生喪其嬖奴哭之哀而不能已因求吾輩作蒿里之歌以寫之余聞而嗣響焉得三絕句

聞大為七擬以賦留姬予聞而効顰焉蓋登徒子之好色庶幾襄王神遇於高唐用以刺世之淫者

元日志喜

庚寅除夕作

杖藜

記朱邦憲墓

池亭避暑

界休道中

逢歌者秦悅

歌者興郎二首

夢中得金陵妓趙燕如詩

脩竹美人歌

蹴鞠者楊姬二首

聽越妓謠

春遊曲

吳氏歌童四絕

回舟贈妓

歌者張生

春日江上送別

優人陳生

隋家廢苑

為曹生寄贈楊美

賦得新鶯二首贈崔姬

射虎詞

春江別

馬玲瓏

雨東朗初

贈董生

張無知山堂屬李次公為予寫像賦呈在坐諸

君

謝朱大惠水仙

登樓

題顧汝和所遺畫竹為其即君君界

潘方伯園中觀樂因話別

哭秋水生吳潛孺

風湍圖

留別通州諸公

狼山二首

徙牀

題戴文進山水送楊高郵

高郵城南樓作

空言二首

射鵬

一絕句寄如公

舟過無錫風逆不能問路問江一訪吳名區作

詩懷之

驤孫雲將以小試文字遠似喜而賦絕句送之

省闈以為前旌云 寄鄭朗

為長文乞夜合花

看月

薦哀詞為錢淵父作 有序

栝蒼亭

浴鳧館

振鷺亭

姚汝觀齋頭籬菊有號醉楊妃者一莖三花作  
詩奇之僕亦嗣響得二絕句

席上贈美人劉玉卿

送朱十三爾正同兄北上

留別章大公覲章二子敬三絕

半閣

華屋

題水墨画屏

生挽范叔子三首

贈竹隱楊侯伯生二首

風利

愁絕

誰家

雨花臺

瓦官閣

勞勞亭

白鷺洲

梅花水

白下門

九曲池

太子湖

珍珠河

應潮井

豐對樓詩選卷第四十二

七言絕句

客有問余以四時之樂口占四首答之聊存在  
草

甬句東沈明臣嘉則父著  
從子沈九疇箕仲氏選

楊柳灣頭別有津偶然逢着釣魚人問它名姓知他  
住正與茅柴店隔隣

千頃湖光一釣臺碧山幾點鏡中開荷香不用風吹  
到冰簟銀牀獨醒來



豐華樓詩選 卷四  
秋日秋風秋水涼白蘋白鳥白雲香扁舟出釣知何處一片蘆花半夕陽

雙溪如玉四山圍十里梅花一棹歸歲有牀頭千斛酒百年常自偃荆扉

過脩園

池亭草樹倚秋旻空水泠泠吊白蘋竹下依然堪嘯詠舊時曾有和歌人

寺病

涼風洒洒桂花枝水寺高秋客病時一一鐘聲孤枕上夢魂無奈五更遲

高墳

高墳空作相公呼何代何人姓字無留得松根殘碣在莓苔剥落篆模糊

謝家少宰惠菊二首

吾家吏部即山濤爲遣幽花伴寂寥不用白衣頻送酒南山秋色本來嬌

南山秋色本來嬌門戶青青未寂寥手把一枝頻自嗅且將幽事語山濤

中林六詠

櫟社

在上店滙頭石橋東卽小渚上之高阜是也俗名社屋前地

傳聞櫟社古時題上店滙頭花滿溪今日蕭條數椽  
屋野田荒渚夕陽西

常樂鐘魚

櫟楊十詠舊題之一

寺廢僧無古殿傾鐘魚不響夜孤鳴高竈大樹都樵

去空剩寒溪綠雨名

寺背溪名綠雨乃今伐去大木無復舊踪

白祠古栢

舊題

白祠雙栢久為薪四壁文章憶古人金井轆轤寒自  
汲我家門巷舊東隣

新橋酒市

舊題

新豐酒市古來傳花裏樓臺沸管絃留得石橋空渡

馬亂藤枯柳咽秋蟬

櫟水菱歌

舊題

舊聞橋畔有菱歌但見魚罾壓岸多流水不關人世  
事去來舟楫自烟波

平楚觀瀾

舊題

亭上觀瀾空復情芳洲平楚是誰名杖藜獨往臨秋  
水落日無人采杜蘅

昨日

昨日街頭試短筇悄然江上看芙蓉人情莫比秋雲  
薄曾見秋雲作雨濃

補作江天暮雪

暝色全低月欲昏  
空江不夜水渾渾  
舟經賣酒人家  
過猶剩寒燈不閉門

漫述二首

閉關紅日起常遲  
問我行藏揔不知  
老至讀書渾漫  
興水經山誌滿烏皮

無事空山不慣嬉  
抄書亦只愛支離  
稗官野史逢人  
覓借得搜神記獨奇

時有縉紳先生喪  
其嬖奴哭之哀而不能已  
因求吾輩作高里之歌以寫之余聞而嗣響焉

得三絕句

學士妖奴號海童  
直將花貌比芙蓉  
一朝化作飛烟  
去亦恐行雲到楚峰

玉顏全勝百花紅  
石有櫻桃霍有馮  
不奪金篦雙翡翠  
爲君酸楚吊秦宮

生時曾未泣前魚  
暗想將桃食我餘  
一夕變牀登不  
得卷衣恩斷只漣如

聞大爲七擬以賦留姬  
予聞而効顰焉  
蓋登徒子之好色  
庶幾襄王神遇於高唐  
用以刺世之淫者  
七擬謂纏頭謂淡妝  
謂細腰謂絳裙

謂蓮步謂文翰謂陸博皆姬之能事云

宮妝一幅錦纏頭淺抹雙蛾翠黛浮夜玉秋波描木  
得恐驚神女亦含羞

不施脂粉出天然只着霓裳便似仙號國夫人應自  
語幸他不到至尊前

纖纖無力倚東風豈是當年出楚宮掌上舞嫌飛燕  
重一枝花動翠盤中

唾痕輕浣石榴裙妬殺桃花上舞茵六幅明霞輕襯  
體朝朝山下去行雲

看花來試白行纏輕點苔痕絕可憐翻笑潘妃難着

步空教滿地鑿金蓮

才情婉麗見雙魚絕勝江東女校書昔有文君今有  
汝眼前誰是馬相如

呼紅喝綠啓朱唇玉笋纖提下馬新自笑狂夫非敵  
手花間願作點壽人

庚寅除夕作

一燈兒女笑相呼爆竹辛盤夜擁鑪七十年前無此  
樂明朝最後飲屠蘇

元日志喜

載逢辛卯履端時膝下驕看七歲兒此日勝衣堪學

拜辦香親領謁先祠

記朱邦憲墓

邦憲平生以酒民自署

海上西城萬鬼隣斜橋南去轉通津青山四尺何人墓傳是雲間舊酒民

杖藜

杖藜偶出試春晴獨向梅花磴裏行瑤草忽聞香氣重幽泉細作珮環鳴

界休道中

匹馬長途去不疑莫嫌行過界休遲浮雲卷盡青山出落日來看有道碑

池亭避暑

孺子亭前千頃陂涼風颯向髮毛吹蒼蒼月出層層樹縱有人間熱不知

歌者興郎二首

十二樓前雁一行春風拍拍按霓裳如今小院梨花夕零落釵頭雙鳳皇

小院東風第一枝千條萬葉摠相思如今鶯老花飛盡帶雨含烟欲向誰

逢歌者秦悅

今日秦青獨擅場韓娥遺韻繞空梁桃花引却劉郎

去不及逢君入醉鄉

夢中得金陵妓趙燕如詩

才來才去幾何時  
臨別留君唱竹枝  
大舫雖搖十八  
槽帆無風送自開遲

蹴鞠者楊姬二首

春風吹入少年場  
蹴鞠初聞散異香  
粉汗欲沾花氣  
重背人私地解羅裳  
一鈎羅襪未生塵  
動却花枝滿地春  
不向石榴裙底  
見如何知是弄珠人

脩竹美人謠

雲逐蒼梧萬里陰  
九疑山色爲誰深  
憑渠解識春風  
恨難道郎心似妾心

春游曲

水渾沙暖馬蹄香  
醉入吳姬鬪草場  
博得翠娥金釧  
在夜歸分與探丸郎

聽越妓謠

銀燭青蛾解越吟  
聲聲喚起故鄉心  
鷓鴣元是江南  
調月落三更夢轉深

回舟贈妓

木蘭歸去夕陽多  
座拂青山柰客何  
一片湖光收不

得好好風吹上美人歌

吳氏歌童四絕

白苧初聞淥水來  
高雲不動晚花開  
年來三月無春夢  
暗引飛魂過楚臺

緩曲才停急板催  
斷腸今夜定知誰  
柘枝莫遣空零落  
十拍霓裳子夜隨

五夜高歌月欲生  
涼州促破第三聲  
知君不惜葡萄酒  
莫報東方曙色明

絲輕竹裂轉鶯喉  
九月陽春不是秋  
浣却紅塵三萬斛  
定教宋玉不生愁

春日江上送別

雙眉如黛點春山  
向我含顰道出關  
山色開門常在眼  
不知人去幾時還

詩者張生

綠鬟金鈿拂銀鈎  
舞態歌情浣客愁  
莫向龍陽追往事  
漢家原有富平侯

隋家廢苑

明月雷塘青鳳來  
三千殿脚五湖開  
即今廢苑人誰過  
螢火無光濕露苔

蹴鞠

豐華樓詩選 卷四十二  
天寶宮中寒食時仙花拋落半天枝赤闌高架青絲  
裊飄蕩春魂不自知

為曹生寄贈楊美

羨汝鴛鴦錦帶雙黃金四壁爛銀缸相逢但覺秋宵  
短睡起花枝壓繡窓

優人陳生

十日平原醉欲醒春風臺上見陳生前身豈是黃幡  
綽領得梨園第一聲

賦得新鶯二首贈崔姬

出谷才生金縷衣柳香花暖學初飛朝來啼上相思

樹半落紅英綠漸肥

才是佳人便姓崔新鶯喚得玉郎回難銷一片西廂  
月可用張生十字媒

射虎詞

青門瓜熟晚涼微自向南山射虎歸記得行邊春色  
曉豸豸百萬繞朱旗

春江別

落花飛絮斷腸時流水橋邊去獨遲莫怪老人頭白  
盡一生銷得幾分離

馬玲瓏

豐華樓詩選

卷四十二

九

二百十



豈蕊花前月正高紅牙拍板紫檀槽  
詩喉一串如珠滑忽作回風轉暮濤

雨東朗初

坐卧閒房風雨中獨令玄度想  
支公款冬花落無人見吟到日斜江水空

贈董生

少小藏名在博徒于今折節事通儒  
十年著就相如賦一日賢聲滿帝都

張無知山堂屬李次公爲予寫像賦呈在坐諸君

置我最宜丘壑裏煩君寫照碧山前  
霜髯雪鬢唯枯稿誰說雙眉聚紫烟

謝朱大惠水仙

美人貽我瓊瑤珮政及東風欲嫁時  
何處相思不成寐半樓明月影差差

登樓

馭客來登水上樓古今遼絕思悠悠  
浮雲遠樹雙飛鳥落日寒潭一釣舟

題顧汝和所遺畫竹爲其郎君君昇

故人殘墨剩寒枝永托湘縑賴有兒  
昨夜西窓初夢

醒不禁風雨到來時

潘方伯園中觀樂因話別

翠水瑤山錦繡開十年風雨是重來孤帆江上明朝  
去心繫潘園歌舞臺

哭秋水生吳潛孺

門巷蕭條夕照斜短墻紅杏屬誰家當時明月聽琴  
地枯木寒蟬細雨蛙

風湍圖

寫出風湍落萬山誰移家住此中間縱然不見桃花  
水也有魚龍暗上灘

留別通州諸公

萬里春風只浪遊唯將通海作并州即搖大扁還鄉  
去青見狼山送白頭

狼山二首

竹杖閒來許自尋逶迤峴絕北山陰前朝有字深題  
石半入蒼苔歲月沉

不廢徐吟此日行青山元自有高情劫灰半作山中  
土空向浮圖記姓名

徙牀

館人來徙竹方牀減却涼風夜未央忽有夢魂飛過

水露筋廟裡細拈香

題戴文進山水送楊高郵

花間小馬醉能騎豈是尋詩杜拾遺踏遍秋山黃葉  
路月明歸卧草堂遲

高郵城南樓作

斷雲踈雨夕陽秋楚甸淮山盡入樓倚柱不堪東望  
久家鄉直是越南州

空言二首

山中寂寂三間屋江上閒閒十畝園自笑不歸羞白  
髮向人猶自作空言

吾道蒼茫不可知空言雖好竟何施家山只在青雲  
外何不歸來理釣絲

射鵰

秋深胡馬本來驕飛將在邊休射鵰萬里雲黃沙塞  
晚鴈聲一一到臨洮

一絕句寄如公

但聞托鉢朝南海未見擔經走北燕風雪冰霜諸難  
過歸來一意好安禪

舟過無錫風逆不能問路問江一訪吳名區作  
詩懷之

豐登樓詩選 卷四十三 十一  
青春曾約過相如明說夫椒在具區豈是到來風引  
去蓬萊反在水中居

驤孫雲將以小試文字遠似喜而賦絕句送之  
省闈以爲前旌云

文章字字挾風霜何讓當時古戰場此去定應先報  
捷潮聲一夕破錢唐

寄鄭朗

憐君日日在高樓竹影橫窓似水流無事讀書閒飲  
酒不知人世有王侯

爲長文乞夜合花

一樹青裳雪後殘不能蠲忿倦凭欄年來已斷巫山  
夢猶向人間乞合歡

看月

大布爲衣竹籜冠老來生事一漁竿空山明月無人  
管夜夜忘眠得縱看

薦哀詞爲錢淵父作

有序

不佞交錢孝廉淵父一日過之見其面目黧  
黑慘不勝哀拜而言曰先生幸過不肖不肖  
以情請願無辭不肖生六年先慈孫太夫人  
背棄又十九年先公太常卿背棄先公太常

乃贈官先是以給事直諫忤主上賜歸田講學脩德不倦此先生所知會今年十月廿有四乃其九十生辰藉令尚存無恙則稱九十翁矣映雖不肖必當竭狗馬之力以請能言之士鋪張盛美稱觴舞綵以爲壽乃今已矣白首一孝廉不能竊一命之榮以顯揚我父母死不足贖乞先生一言如生人之所爲壽者使司祝奏之庶幾吾親地下一粲蓋吾親平生所嗜在文章耳幸無辭不佞曰古雖無是然禮可義起凡孝子爲親之情苟可以申

其無已之思者先王不禁子之先公功勳太常名流青史已自致千秋不死之業奚但九十已哉然君之所以爲其親亦至矣今欲以不佞之言奏之司祝得非思其所嗜乎傳曰君子有終身之憂忌日之謂也臣之言語不能妙天下而代爲孝子寫其極思名爲薦哀詞亦庶幾史巫之紛若以附彈竹之誼云爾其詞曰

嚴親九十今朝是不得承歡作壽筵卮酒却從沙上酌可能一滴到窮泉

雙井堂詩選 卷四 十四  
枯蒼亭

雙松如蓋覆胡牀飛夢令人到  
枯蒼置得小亭通鶴路  
昂湖風接縉雲長

浴鳧館

鴨頭新綠向人流楊柳風前杜若洲  
日出采菱歌水調歸來遺却玉搔頭

振鷺亭

白鷺群飛何處來水中亭子六窓開  
清風揮塵人如玉香動荷花入酒杯

姚汝觀齋頭籬菊有號醉楊妃者  
一莖三花作

詩奇之僕亦詞響得二絕句

秋花紺白駢開處姊妹楊家似太玄  
誰把紫金盃酒勸絕勝驕壓牡丹春

華清宮裡換秋妝背却三郎入醉鄉  
春睡海棠猶未足芳心只自夢漁陽

席上贈美人劉玉卿

燈前忽報玉卿來一曲霓裳醉眼開  
銷盡朱郎歡裏怨楚天平地有陽臺

送朱十三爾正同兄北上

送汝長安贈一鞭漢家宮闕五雲前  
鮮車怒馬誰家

子飛入紅塵不見天

留別章大公覲章二子敬三絕

却笑平生只浪遊三江春色五湖秋年來頭白渾如  
雪猶向雲間典客裘

長谷華亭本舊遊十年不到始淹留當時酒伴多零  
落幾處青山半作丘

扁舟載雪過長安不向人詞行路難昨日街頭賣新  
酒滿鑪沽去送春寒

半閣

只露佳人半面妝小營新柳未全黃風調松葉輕如

瑟月瀉梅花不滿墻

華屋

沉沉華屋上仙家步轉瑤臺玉樹遮數仞高墻如雪  
白夜來明月画梨花

題水墨画屏

洞房窈窕樹橫斜此是羅浮第幾家不有暗香生絕  
壁那知新月在梅花

生挽范叔子三首

范叔從來不受憐更齊生死笑青天花前酒熟開棋  
局一任莊椿大小年

豐壘相詩選 卷四十三 十一  
抹殺人間事事么行藏何處不逍遙生前自挽歌蒿  
里荷重身邊挂酒瓢

北印山頭多白雲白雲堆裏是誰墳相逢笑殺鴟夷  
子指示藏身乞葬文

贈竹隱楊侯伯生二首

侯有隱志予從  
甬之故有是作

脩竹清池一片秋陰符黃石委牀頭青門自有栽瓜  
地何必人間萬戶侯

長鎗大劍取乾坤鉄券金書幾代存回首淮陰舊時  
廟秋風凍日斷人魂

風利

坐送雙帆白日低扁舟直過武林西倘然不隔錢唐  
水朝發雲間暮會稽

愁絕

天淨雲收凍月清旅人愁絕怨霜明誰憐塞上傳籌  
卒一夜無眠過五更

誰家

誰家金屋錯瑤臺萬樹緋桃千樹梅見說雕墻高數  
仞如何飄出落花來

雨花臺

靈光去不返雨花今不聞空餘臺上青青草日拂江



南游女裙

瓦官閣

陵谷今古遷帝王都屢作當時江中白浪花風直吹  
粘瓦官閣

勞勞亭

送客勞勞亭車馬若流水當時冠蓋擁浮雲今日空  
名野田裡

白鷺洲

李白題詩後江水徙不流綠楊人家蕭蕭岸都是當  
時白鷺洲

梅花水

石隙迸出水清香號梅花較之輕子它水別惜未携  
煮天池茶

白下門

柳色挽征人楊花飛戰壘正是當年白下門千家影  
落青溪水

九曲池

穿此九曲池迴還雜亭榭一時賓從想如雲零落菰  
蒲霜露下

太子湖

豐村樓詩選

卷四

六

黃紹奇全

豐對樓詩選 卷四十一  
曾聞謝安石餞客此湖中千秋太子名猶在落日寒  
波罇酒空

珍珠河

內有陳宮苑外有珍珠橋珍珠零落不可拾吹散東  
風河水漂

應潮井

鐘山頭陀寺井應潮長落朱書猶記赤烏年滄桑易  
改乾坤薄

豐對樓詩選卷第四十一

豐對樓詩選目錄卷第四十三

七言排律

廣陵陳大科手校六得十五首標為  
一卷入梓

未暮野泊醒然達曙牽連書其事

錢次卿遺我李惟寅胡元瑞聯璧編讀之爽然

賦此竒之

題杜武昌子睿浣花莊十韻

東風怨十六韻悼白門趙姬連城

過李饒州長水園十韻

酬伯遠二十二韻時予將有白下楚中之行因  
以留別而中復及其弟孺白

余將爲白下行丹贈孺白因致別意

王母薛太君七十

聞呂中父客死河南涉縣以六韻哀之  
挽王二太常敬美十韻

生朝自壽十韻

哭顧四舍人汝和十六韻

寒夜謠

寄宿高沙御史臺偶憶古事戲題八韻  
會心堂

豐對樓詩選卷第四十三

甬句東沈明臣嘉則父著  
從子沈九疇箕仲氏選

七言排律

未暮野泊醒然達曙牽連書其事

江鄉歲晏稍休軍未晚孤舟戍水濱古渡寒潮催落  
日長天飛鳥入高雲夜來燈影微微動坐久鐘聲歷  
歷聞月照毀垣兵火後霜侵白骨戰亡墳十年湖海  
憂時淚千載悲哀吊古文取瑟靜彈黃鵠怨披衣醉  
理白鷗群從來客睡何曾着曙色微茫隔水分

錢次卿遺我李惟寅胡元瑞聯璧編讀之爽然  
賦此竒之

因君今夕把瑤編手觸薔薇露氣鮮楚璧吳鈞騫絕  
代河魁文曲麗高天南金果只生於越駿馬誰當產  
在燕正始皇風須有統開元才子竟無前雄心百代  
知豪舉銳氣三河揔少年雷雨疾來奔急峽蛟龍突  
起破重淵木彊老子今猶昔爲汝低徊一再彈

題杜武昌子睿浣花莊十韻

少陵故有浣花莊此地公然亦草堂杜曲宛如移渭  
水武陵何必傍沅湘鷓鴣對浴金河淺屬玉群飛鏡

浦長北沼春雲連遠嶠西樓明月挂垂楊薔薇不見

東山妓芍藥空流鄭洧觴金谷礪會娛散騎平泉石

可並竒章采芝谷口逢麋鹿送客山前過鳳皇

其地  
右皇

壘山靈藥萬年留墨客桃花千樹引漁郎誰家最近  
參差竹出入藤蘿每不妨

東風怨十六韻悼白門趙姬連城

小字采鴛

破天哀鴈抹陵新脉脉何堪拭淚頻二十餘年空抱  
恨一千里外獨傷神魂迷紅板橋頭月腸斷烏衣巷  
口春鳳管瑤臺今絕響鵲橋銀漢永無津六坊粉黛  
班中傑十二金釵會裏人南國香銷悲北里東風草

綠怨西隣孤舟怕入死鴛浦寡宿難逢日月辰十里  
長干應索莫千山建業自嶙峋莫愁湖水都爲淚玉  
女峰巒盡作頻舊約已知成腐草此恩終擬化芳塵  
雲來巫夢思何得瑟鼓湘靈聽不真實妾陽臺徒姓  
趙趙王白璧枉輸秦繡囊尚有相思結尺素猶緘比  
目鱗村過杏花寒寂寂渡空桃葉水粼粼蕭郎自信  
非行路薄倖名成不可陳

過李饒州長水園十韻

秦時長水縣西林金谷移來喜再臨異卉千叢分海  
外竒葩萬里自滇岑參差水上青山出窈窕雲間碧

洞陰錯落亭臺歇晚照蒼茫郊野亂歸禽三時柳刺  
黃金嫩十月花開紅杏深丘壑斯人專大隱江湖唯  
我足幽尋徑迴瑤館梧桐暗歲久雕墻薜荔侵黃葉  
溪頭呼宦至清池樹杪見魚沉石逢醒酒平泉埒路  
入聞笙緱嶺岌音森○入便欲向君分一席沙邊長  
對白鷗吟

酬伯遠二十二韻時予將有白下楚中之行因  
以留別而中復及其弟孺白

半生求友似春鶯末路何期得少卿不獨五言堪涕  
淚共推百戰劇縱橫龍駒歷塊何能控虎將登壇孰

敢櫻挽日強弓迴丙御凌雲健筆掃挽槍掣開天上  
青蛇電奪盡人間紫玉瑛徑寸隋珠光照乘一雙趙  
璧價連城諸侯列國遵周道大隊轅門立漢旌神劔  
古來驚巨闕文星今復動長庚漢歌何用傳朱鴈楚  
寶終非在白珩身手春虹捫玉柱肺肝秋露吸金莖  
布衣十日平原飲宮錦長江采石行橋李城南傾別  
酒梅花溪上結同盟分金管鮑吾交友入洛機雲汝  
弟兄玉樹金枝相朗映鳳簫龍管一時鳴山河兩戒  
分輿地日月雙丸轉大瀛匹馬竟空黃葉去片帆遙  
指白雲輕不知上國桓司馬忍別江東阮步兵暮雨  
一聲

余將爲白下行再贈孺白因致別意

少小才名海內聞禦兒溪上憶論文爲人上欲同千  
古結客貧猶念四君世業箕裘秦博士文章旗鼓漢  
將軍曾中直欲吞雲夢腹笥真能貯典墳大曆諸公  
誰並李雲間二陸汝稱雲別君長水鴛鴦爲侶送我金

豐堊樓詩選 卷四十三 四  
陵鳳作群共約臨岐拚盡醉不堪黃葉正紛紛

王母薛太君七十

堂上夫人薛太君小春前醉菊花芬看來膝下衣皆  
綵揔是人間鳳一群玉露正深萱草色金風微動六  
銖裙諸任在列誰堪齒御者通誠不用文樊榭翠開  
仙嶂月石樓青接帝京雲五城王母年年宴割取瑤  
池水十分

聞呂中父客死河南涉縣以六韻哀之

憐君湖海姓名存逐鹿中原匹馬奔操筆未曾離樂  
府曳裾終自戀王門年過七十猶云壯歲遇龍蛇不  
可論海內有家堪托老天涯無地可招魂江園草色  
春空綠山院鶯啼月半昏起讀新詩三百首任誰收  
骨葬乾坤

挽王二太常敬美十韻

忽報婁東王太常復騎箕尾上蒼蒼山河兩戒含辛  
楚天地三才入混茫跋扈詞場雕虎健飛騰翰海玉  
虬翔函關閩嶠思楊震廬阜金陵憶彥方楚些九秋  
招不得東芻千里自相將踣麟郊野留高塚孤鳳雲  
霄叫紫皇共惜士龍先玉碎獨憐子敬與琴亡三春  
濯濯空楊柳六月蕭蕭泣雨霜老我無車難遠去不

堪聞笛過山陽

生朝自壽十韻

病起生朝果再生明朝添筭得長庚徒將狗馬過人  
齒避得龍蛇厄歲驚去後流年俱是夢到來新日可  
留情架前殘帙堪常讀江上畚田得自畊處世不妨  
醒似醉安貧唯以儉爲清金峨山色門前好銅浦潮  
痕掌上平隣舍有溪爲綠雨山家無飯不青精晚生  
兒女難離祿先得男孫未請纓妻共鹿門能飽餽妾  
非紅袖解調羹百年鼎鼎尋常事寫得星精太白名  
哭頌四舍人汝和十六韻

曾一題詩寄草堂謂君真是魯靈光誰知去翼沉春  
浦反得來舟報夜藏朱頌六龍俱薨爽白眉五馬最  
稱良三朝侍從看簪筆四代衣冠識典章袍染銜鑪  
烟在篋墨留鳳沼水生香婆婆娑竟日圖書府去任終  
身水竹鄉商確獨推鶩帖善品題都讓虎頭長雲間  
峰泐空流峙海上盟壇孰主張虛館玉泓鷗鷺冷名  
園金谷履綦荒斯人逝後風流盡吾黨從茲大雅亡  
老眼風前雙洒淚故人天外九迴腸連年鴈序飄孤  
影一夕花枝罷衆芳絮酒生芻愁縮地白楊衰草泣  
啼蜚兩鷁俱望成丹鳳萬里誰當起驕驕心許墓門



唐詩選 卷四十三 六  
銘片碣此生猶得渡錢唐

寒夜謔

玉漏更籌澁凍銀城烏噤口咽霜晨寒深頓覺重稠  
薄宵永翻憐短夢頻木枕不乾長積淚衣期過久未  
歸人白狼書斷悲遙曙黃鵠歌殘怨獨春帛鴈秋憑  
人入漢關雞夜悞客亡秦牀頭側耳梅花角三弄沉  
沉聽未真

寄宿高沙御史臺偶憶古事戲題八韻

柏府烏臺本自涼偶過三宿視爲憐天涯作客身萍  
梗河漢乘槎事渺茫柱後惠文冠是豸殿中執法簡  
如霜螭頭曉落千官膽鐵面春披五色腸躡履曾聞  
暴公子埋輪湏似漢張綱長安避跼歌驄馬北闕鳴  
陽號鳳皇杜牧却從書記起馬周亦自布衣揚沙風  
昨夜回天末自笑空山一草堂

會心堂

架雲插霧華林中青霄欲近黃輿豐碧山鑿出宛委  
似綠水引入瀟湘同樓臺錯落雜烟雨花竹隱見含  
春風鶯啼近在華谷裏鶴歸遠自蓬萊東燕子晴翻  
簾幕翠蘭芽露茁庭階紅輞川似多文杏館金谷却  
少梅花宮鈎心闔角孰云巧山節藻稅徒爲工曲闌

水邊裊裊合新術花下遲遲逢胡蝶群窺白齒齒鳳  
皇雙引青梧桐盡是茲園會心處請君稱作閒閒翁

馬書

豐對樓詩選卷第四十三終

藏書

書